

Boux Vunz Gou Boiqfug Ndeu

贵港市覃塘区蒙公镇高占小学三年级 Cinz Genginh/覃建钧

Dijyuz lauxsae ndeiri mizyinx, suyo lauxsae yiemz suk nyinhcaen, yijvwnz lauxsae swnhsienh, boux vunz gou boiqfug ndeu couh dwg yijvwnz lauxsae——Veiz lauxsae.

Veiz lauxsae mbouj sang mbouj daemq, byoem ndaemndet raezrangrang, doiq lwgda miz saenz lumj rox gangjavah, naengnoh hausek, yawj hwnjbae dwg boux vunz simsoh youh gyaunde.

Veiz lauxsae hwnjdangz gig ndeidingq, sing seuqset raeuzred. Miz baez ndeu, Veiz lauxsae gangj daengz goq 《Aen Seiqgyaiq Daejhaij》, dingq sing gyaunde de doeg govwnz, gou lumjbaenz aen ndang ndaem roengz daejhaij, lauxsae doeg daengz gizlawz, gou couh youz daengz gizlawz. Ciepdkw, lauxsae gangj govwnz lo. Dingq lauxsae gangj govwnz, gij gingjsaek baihnaj gou couh engq maezvunz lo. Gou dingq ndaej haeusim lili lo. Soh daengz roengzdangz, gou cij daj daejhaij “fouz”

hwnjdaej. Yawj, Veiz lauxsae gangj goq hawj vunz sim maez dangqmaz, gou caen gingqboiq de.

Veiz lauxsae guhhong cungj dwg nyinhcaen dangqmaz. Miz baez ndeu, causij cih moq seiz, gou dawz cih “凯” mbiengj baihgvas sij baenz “夕”, Veiz lauxsae daraeh fatyienh le, sikhaek au lwgda lwnh gou, gou lienzmuengz byaij daengz henz ndang de, de vix hawj gou yawj, gou rox lo, yaengyaeng gaijcingq gvaqdaej, ndaw sim gou caen boiqfug lwgda de, doeklaeng gou sij cozyez engqgya nyinhcaen lo.

Veiz lauxsae mboujdan guhhong nyinhcaen, lij gig gvansim swnghoz dou. Miz duenh seizgan ndeu, ndaw ban miz haujai doengzhag dwgliengz lo, Veiz lauxsae daj ranz swheij cawj raemxdangzhing daej faen hawj dou gwn, naeuz raemxhing ndaej yw dwgliengz, dou ndaw sim raejrubrub, dwgliengz hix ndei lo.



Veiz lauxsae ndei lailai ha! Gou gingqboiq lauxsae yienghneix.

(bouxlauxsae son'gyauq:Couh Yuz/周旭)

Daegnuengxbiuj Cabheiq Haenx

上林县大丰镇中心学校四(2)班 Moz Yicwngz/磨奕成



Yienznaeuz daegnuengxbiuj gou ngamq rock bi, vunz iq gveijgvaq lai. Cabheiq youh luenhloengh, mbouj miz saek seiz dingz youq, loengh ndaw ranz luenh lailai. Gou seizseiz dingq—nyi meh de, hix couh dwg mehnax gou naeuz: “Lwglinz neix, gwn sam daej haeux cij guenj ndaej de.” Mehnax gangj mbouj loek, daegnuengxbiuj caen dwg cabheiq hamj mbwn lo.

Miz baez ndeu, mehnax caeuz daegnuengxbiuj daej ranz gou guhcaemz. Daxmeh baq aen gvehoengz ndeu. Daihgva caez naengh youq naj daiz siusim gwn gvehoengz, caenhliengh mbouj hawj raemxgva ndik daengz gwnz namh. Daegnuengxbiuj ne? Nyengh yaek caeuz dou doxdingj. De mbouj lauxsaed gwn gva, cix dwg doq gwn doq byaij, lij daegdaengq gwn gaemz hung dem, hawj raemxgva ndik rim gwnz namh. Mehnax fatheiq lo, heuh de mad dibanj seuq bae. De mbouj haengj, couh gaen gou haeuj rug, “bwng” sing ndeu de fanj daep dourug lo. Gou cam de: “Mwng fan daep dourug guh gijma?” Daegnuengxbiuj gangj: “Mbouj daep hwnjdaej, meh gou haeujdaej rag gou okbae ne.” Gou naeuz: “Suj gaen vaih lo, daep mbouj ndaej lo.” Daegnuengxbiuj baez dingq, sim vueng baenz cienq bae cienq dauq, sawq—mwh ndoj haeuj ndaw gvihbuh bae lo.

“Okdaej vaiq di.” Gou naeuz. “Ciqyung yaep ndeu.” daegnuengxbiuj han.

Seizneix, mehnax haeuj ndaw rug daej lo, cam gou daegnuengxbiuj youq gizlawz? Gou gyaecang han naeuz mbouj raen de. Mehnax gag ra vunz. De daj daejmbonq ra daengz gvihbuh, gingqyienz ra mbouj raen daegnuengxbiuj. Mehnax mbouj miz banhfap, cijndaej okbae lo. Mehnax baez okbae, daegnuengxbiuj couh daj gvihbuh okdaej lo. Gou gig geizheih, cam de dwg mbouj dwg miz fapndojndang? Daegnuengxbiuj gangj: “Rox meh gou yaek ra daengz ndaw gvihbuh daej, soh au denz goemq hwnjdaej, meh

gou gingqyienz mbouj fatyienh, haha.” Daegnuengxbiuj doq gangj doq riu hwnjdaej.

Lij miz baez ndeu, gou caeuz daegnuengxbiuj bae cawx sietdiuz gwn. Sietdiuz yungz lo, ndik raemx dwk. Gou naeuz: “Daegnuengxbiuj, gizlawz yungz cup gizlawz, mboujne raemx ndik roengzdaej, ndik daengz gwnz fwngz gwnz buh, niunwknwk, uqmadmad.” Ai, mbouj gangj cix liux, baez gangj couh boihseiz lo. Cij raen de baez cienq lwgda, ndang gyaecang laemx, couh dawz raemx sietdiuz ndik haeuj ndang gou daej. Bouxgva mbouj gwnvi dangqnaj, gou yut din couh deuz. Gou buet daengz laj laeuz, daegnuengxbiuj hix gyaep riengz daej lo. Gou ganjvaiq haeuj dendih hwnjlaeuz lo. Ranz gou youq

15 laeuz. Yawj de baenzlawz gyaep? Mbouj liuh gou ngamq daj 15 laeuz ok dendih, daegnuengxbiuj hix daj aen dendih lingh okdaej lo. Gou gaenjgip haeuj ranz gven dou, gven daegnuengxbiuj coq rog dou. Daegnuengxbiuj youq rog dou buekmingh bek dou. “Bwng! Bwng! Bwng!” Sing gok cauz rwz, lumj duzfangz haeuj mbanj. Daxmeh caeuz mehnax hujheiq dangqmaz, ndaq daegnuengxbiuj can ndeu, gou hix deng ndaq can ndeu. Ai, caeuz daegnuengxbiuj guhcaemz, cungj deng gwnvi lo.

Daegnuengxbiuj cabheiq youh luenhloengh, mehnax gangj daegnuengxbiuj dwg duzlingz bienq baenz, dwg mbouj dwg ne?

(bouxlauxsae son'gyauq:Mungz Cwngzgen/蒙成建)



Fwen

Gou guhfwen……

Beixmbauq cix cam gou: Mwngz guh gijmaz fwen ne?

Baenzneix cam geizheih dahraix! Gou seizneix cingq guhfwen, mwngz mbouj ndaej nyi ha, beixmbauq ha?

Beixmbauq riu gou naeuz: Fwen neix fwen gijmaz ha, gou caengz ndaejny nauq ne.

Fwen neix fwen duh gou. Gomaknamgeu baenz maknamgeu, gomakfad baenz makfad, gou hix miz fwen duh gou. Nanzdauh gou deng eu gij fwen mwngz eu gvaq cijndaej ha? Gou deng eu gij fwen caeuz mwngz eu doxlumj cijndaej ha, beixmbauq ha?

Beixmbauq riu gou naeuz: Fwen neix suenq fwen gijmaz ha? Gou coenz ndeu cungj dingq mbouj rox ne.

Fwen neix fwen duh gou la! Miz maz ndeiri ne, gij fwen duzroeg ndaw ndoengfaex eu de, gij fwen ga dah'iq dinbya eu de, gou caemh dingq mbouj rox saek coenz, hoeng fwen gyoengqde ndeidingq dangqmaz, mbouj dwg ma?

(Daj《Bonsei Sim Lwngnyez》(Veiz Gizlinz raiz) senj okdaej, Lwgfwnzgemh/卢奋长 hoiz)